This volume was digitized through a collaborative effort by/ este fondo fue digitalizado a través de un acuerdo entre:

Biblioteca General de la Universidad de Sevilla


www.us.es

and/y

Joseph P. Healey Library at the University of Massachusetts Boston www.umb.edu









RL 297 2-85



ORDONNANCES ECCLESIASTIQUES

D E

LEGLISE

DE

GENEVE



A GENEVE;

Chez LES FRERES DE TOURNES.

M. DCC. XXXV.

A's war in a CHEER EREELS DETOURNES



ORDONNANCES ECCLESIASTIQUES,

De l'Eglise de Geneve, passées & reveuës en Conseil General, le 3. de Juin 1576.

ARTICLE I.

U NOM DE DIEU Tout Puissant. Nous Syndiques Petit & Grand Confeil de Geneve avec nôtre peuple assemblé au son de la trompette & grosse cloche, sui-

vant nos anciennes coustumes, Ayans consideré que c'est chose digne de recommandation sur toutes autres, que la Doctrine du S.Evangile de nostre Seigneur Jesus-Christ soit confervée en sa pureté, & l'Eglise Chrestienne deuëment entretenuë par bon regime & police:

A

& aussi que la jeunesse pour l'avenir soit bien & fidelement instruite: l'Hospital bien ordonné pour la sustentation des pauvres. Ce qui ne fe peut faire qu'il n'y ait certaine reigle & maniere de vivre establie, par laquelle chacun puisse entendre le devoir de sa charge. Apres avoir eu des Pasteurs & Ministres de cette Eglise advis conforme à la Parole de Dieu, comme il nous est apparu, il nous a semblé bon que le gouvernement spirituel tel que nostre Seigneur a demonstré & institué par sa Parole, fût reduit en bonne forme, pour avoir lieu & estre observé entre nous. Et ainsi avons ordonné & establi de suivre & garder en nostre Ville & territoire la Police Ecclesiastique qui s'ensuit, comme nous voyons qu'elle est puisée de l'Evangile de nostre Seigneur Jesus-Christ,

TI.

Premierement, il y a quatre Ordres ou efpeces de charges que nostre Seigneur a institué pour le gouvernement ordinaire de son Eglise, affavoir les Pasteurs, puis les Docteurs, apres, les Anciens, quartement les Diacres. Partant si nous voulons avoir Eglise bien ordonnée, & l'entretenir en son entier, il nous faut observer ceste forme de gouvernement.

outes as man, que la DoCrine du S. Lvande nome Seigneur John-Christ fon conte da la purere, & l'Eglite Chrelienne

35

TITRE I.

Sensuit le premier Ordre du Gouvernement Ecclesiastique, Assavoir des Pasteurs.

CHAPITRE I.

De la Vocation des Pasteurs.

III.

Uant est des Pasteurs, que l'Escriture nomme aussi aucunesois Surveillans, Anciens & Ministres, leur charge est d'annoncer la Parole de Dieu pour endoctriner, admonester & reprendre, tant en public qu'en particulier, administrer les Sacremens, & faire les censures Ecclesiastiques avec les Anciens,

avons on formatte caller

Or afin que rien ne se sasse consusément en l'Eglise, nul ne se doit employer en ceste charge sans vocation: en laquelle il saut considerer ces trois choses; affavoir, l'examen, qui est le principal: apres, à qui il apartient d'instituer & d'establir les Ministres: tiercement, qu'elle sorme ou ceremonie il est bon de garder en l'introduction d'iceux au Ministere.

A ij V. L'e-

L'examen contient deux parties, dont la premiere est touchant la doctrine, assavoir si celui dont est question a bonne & saine co-gnoissance de l'Escriture, & puis, s'il est propre & suffisant pour la communiquer au Peuple en édification.

VI.

Pour cognoistre s'il est propre à enseigner, il faudra qu'il soit our par les Ministres, traitant de la Doctrine du Seigneur, sur les Passages qui luy seront affignez: & aussi qu'il soit interrogué sur les principaux points de la Doctrine. Et pour eviter tous dangers, & que celuy qui est à recevoir n'ait quelque mauvaisse opinion, il est requis qu'il proteste de tenir la Doctrine des Saints Prophetes & Apostres, comme elle est comprise és Livres du Vieil & Nouveau Testament de laquelle Doctrine nous avons un sommaire en nostre Catechisme.

VII.

La seconde partie de l'examen est touchant la vie, asçavoir, s'il est de bonnes mœurs, & s'il a tousiours vécu sans reproche.

VIII.

La reigle de proceder audit examen laquelle il convient ensuivre, est tres bien demonstrée par Saint Paul en la premiere à Timothée troisième chapirre, & au premier de l'Epistre à

IX.

Tite.

Quant à la manière d'establir les Pasteurs, tant pour la Ville que pour les Paroisses dépendantes d'icelle, nous avons trouvé que le meilleur est de suivre l'ordre de l'Eglise Ancienne, lequel contient la vraye pratique de ce qui nous est monstré en ceste matière par l'Ecriture. C'est que les Ministres essisent, premierement entr'eux, celui qu'ils estimeront estre propre pour servir au Ministere avec eux: y procedant selon l'examen cy dessus mentionné. Puis qu'ils le facent sçavoir à nostre Petit Conseil, lequel députera quelques uns de sa Compagnie, pour ouyr traiter de l'Ecriture celui dont il s'agit, en l'assemblée des Ministres, pour en faire raport au Conseil. Que si le Conseil ne s'en contente, il sera procedé à nouvelle election: & s'il s'en contente, alors on procedera au troisiéme point de la vocation du Ministere, comme il s'ensuit.

in an X. March

Le jour du Dimanche on fera entendre au Peuple par tous les Temples, comme il y a un tel qu'on nommera, lequel a esté esseu & aprouvé selon l'ordre accoustumé en ceste Eglise, pour y servir au Ministere: & pourtant que s'il y a quelqu'un qui sache qu'il y ait à redire

redire sur la doctrine ou sur la vie de celui qui est lors nommé, qu'il ait à le venir declarer à l'un des Syndiques dedans le Dimanche prochainement suivant, auquel jour on le pourra presenter, afin que nul ne soit introduit au Ministere, que du commun consentement de toute l'Eglise. Et s'il survient quelque advertissement par lequel il se trouve que celui qui auroit esté esleu, ne sût capable, qu'on procede à nouvelle election.

XI.

S'il n'y a empeschement sur ladite nomination, lors que le jour du Dimanche suivant, celui qui avoit été nommé, soit presenté au peuple devant la chaire du Temple, & à l'heure de la predication: & que le Ministre qui preschera pour lors face declaration & remonstrance de la charge en laquelle on l'ordonne, puis qu'on face prieres & oraisons, asin que le Seigneur lui face la grace de s'en acquiter.

XII.

Quand un Ministre aura esté esseu & receu selon que dessus, qu'il soit puis apres presenté au Conseil pour jurer entre les mains de la Seigneurie, ains qu'il s'ensuit.

XIII.

Je promets & jure qu'au Ministere auquel je suis apelé, je servirai sidélement à Dieu, portant tant purement sa parole pour edifier ceste Eglise à laquelle il m'a obligé: & que je n'abuseray point de sa doctrine pour servir à mes affechions charnelles, ne pour complaire à homme
vivant, mais que j'en userai en saine conscience, pour servir à sa gloire, & à l'utilité de
son peuple, auquel je suis detteur.

XIV.

Je promets & jure aussi de garder les Ordonnances Ecclesiastiques, ainsi qu'elles ont esté passées par le Petit, Grand, & General Conseil de ceste Cité: & en ce qui m'est donné de charge par icelles Ordonnances, d'admonester ceux qui auront failli, m'en acquiter loyalement, sans donner lieu à haine, saveur, vengeance, ou autre cupidité charnelle: & en general, de faire ce qui apartient à un bon & sidele Pasteur.

XV.

Tiercement je promets & jure de garder & maintenir de mon pouvoir l'honneur & profit de la Seigneurie & de la Ville, mettre peine entant qu'à moy sera possible, que le Peuple s'entretienne en bonne paix & union sous le Gouvernement de la Seigneurie, & ne consentir aucunement à ce qui contreviendroit à cela: & de persister en ma vocation au service susdit, tant en temps de prosperité que d'adversité, soit paix, guerre, peste, ou autrement.

XVI.

Finalement je promets & jure d'estre sujet à la Police & aux Statuts de la Cité & Republique, & monstrer bon exemple d'oberssance à tous autres: me rendant pour ma part sujet & oberssant aux Loix & au Magistrat entant que mon Ministere le porte; c'est à dire, sans prejudicier à la liberté que nous devons avoir d'enseigner selon que Dieu nous le commande, & saire les choses qui sont de nostre charge suivant sa parole. Et ainsi je promets de servir tellement à la Seigneurie & au Peuple, que par cela je ne sois aucunement empesché de rendre à Dieu le service que je lui dois en ma vocation.

CHAPITRE II.

Des moyens pour entretenir le Ministere en sa pureté.

XVII.

R ainsi qu'il est requis de bien examiner les Ministres quand il est question de les estire, aussi saut il avoir bonne Police pour les entretenir en leur devoir. Pour ce faire, premierement sera expedient que tous les Ministres, asin de conserver pureté & concorde de doctrine entr'eux, s'assemblent un jour de la semaine pour conferer des Escritures: & que nul ne s'en exempte, s'il n'a excuse legitime.

Si quelcun y étoit négligent, que il en foit admonesté. Quant à ceux qui preschent aux Villages dependans de la Seigneurie, que les Ministres de la Ville les exhortent d'y venir toutes les fois qu'ils pourront : toutesfois s'ils défailloyent à y venir un mois entier, qu'on tienne cela pour négligence trop grande, finon que ce fût par maladie, ou autre legitime empeschement. Et pour cognoistre quel devoir & diligence chacun en son particulier aporte en l'étude des saintes lettres, & afin que nul ne s'anonchalisse, chacun des Ministres, tant de la Ville que des champs, expofera à son tour le Passage de l'Ecriture qui viendra lors en ordre au jour de la Congregation. Et en la fin, quand lesdits Ministres se seront retirez à part là où ils s'assemblent, chacun de leur compagnie advertira ledit propofant de ce qu'il aura trouvé à redire en son exposition, afin que telle censure estant aprouvée par la compagnie, lui serve de correction.

XVIII.

S'il survient quelque different en la doctrine entre les Ministres, qu'ils en traitent ensemble pour resoudre de la matière. Si cela ne suffit, qu'ils appellent des Anciens pour aider à apaiser le different. Finalement s'ils ne pouvoyent y parvenir à l'amiable pour l'obstination d'une des parties, que la cause soit raportée au Magistrat, pour y mettre ordre.

R

Pour obvier à tous scandales, procedans de la vie & mœurs des Ministres, il sera mestier qu'il y ait sorme de correction sur iceux Ministres, selon qu'il sera déclaré cy après, à laquelle eux tous, sans nul excepter se submettront: qui sera aussi pour conserver le Ministere en reverence, & pour faire que la Parole de Dieu ne soit en deshonneur & en mespris par le mauvais bruit des Ministres. Car comme on corrigera le Ministre qui aura fait saute, aussi sera il besoin de reprimer les calomnies & saux raports qu'on pourroit saire injustement contre les innocens.

XX.

Mais premierement est à noter qu'il y a des vices & fautes qui sont totalement intolerables en un Ministre, & d'autres qu'on peut aucunement supporter, moyenant qu'on en face remonstrances fraternelles qui soyent bien receuës.

XXI.

Les premiers sont.

Heresie, Schisme, Rebellion contre l'ordre de l'Eglise, Blaspheme maniseste & digne de peine civile, Simonie, & toute corruption par presens, Brigues pour occuper le lieu d'un autre, Delaisser son Eglise sans legitime congé & juste vocation, Fausseté, Perjure, Paillardise, Larcin, Yvrongnerie, Batterie digne d'estre punie par les loix, Usure, Jeux scandaleux daleux & defendus par les loix, Dances, & telles diffolutions, Crime important infamie civile, Crime qui meriteroit en un autre separation de l'Eglife. XXII.

Les seconds sont. Façon estrange de traiter l'Escriture, & laquelle tourne en scandale, Curiosité à chercher questions vaines, Avancer quelque doctrine ou façon de faire non receuë en l'Eglife, Negligence à estudier, & principalement à lire les Saintes Escritures, negligence à reprendre les vices, prochaine à flaterie, Negligence à faire toutes autres choses requises au Ministere, & autres defauts semblables. XXIII.

Quant aux crimes qui sont punissables par les loix, si quelqu'un des Ministres y est tombé, que la Seigneurie y mette la main: & que outre la peine ordinaire dont elle a acoustumé de chastier les autres, elle le depose de fon Ministere.

XXIV.

Quant aux crimes dont la premiere inquisition appartient au Consistoire, que les Anciens avec les Ministres veillent dessus: & si l'un des Ministres en est convaincu, que le Consistoire en face rapport au Conseil avec son advis. Ainsi que le jugement concernant la punition, soit toûjours reservé à la Seigneurie.

> XXV. Bij

Quant aux vices moindres, lesquels on doit corriger par simple remonstrance, qu'on y procede selon l'ordre que nostre Seigneur nous enseigne, tellement que le dernier soit de venir au Consistoire.

XXVI.

Pour maintenir ceste discipline en son estat, que devant chaque Cene les Ministres ayent specialement regard entr'eux, pour remedier aux desaux par bonnes censures en leur compagnie, ou autrement y pourvoir à sorme des precedens articles.

CHAPITRE III.

Ordre sur la visitation des Ministres & Paroisses dependantes de Geneve.

XXVII.

Afin de conserver bonne police & union de doctrine en tout le corps de l'Eglise de Geneve, c'est à dire, non seulement en la Ville, mais aussi aux Paroisses dependantes d'icelle, que la Seigneurie depute un ou deux du Conseil, & semblablement les Ministres en deputent un de ceux de la Ville qui ayent la charge d'aller une sois en trois ans pour le moins, visiter chacune Paroisse, pour s'enquerir si tout y est en bon estat. Et premierement quant au Ministre.

XXVIII.

XXVIII.

Asçavoir si le Ministre du lieu n'auroit point mis en avant quelque doctrine nouvelle, & repugnante à la doctrine de l'Evangile.

XXIX.

Item, s'il y presche en edification, ou s'il a quelque saçon scandaleuse, ou qui ne soit point convenable à enseigner le peuple: comme, s'il estoit trop obscur, s'il traitoit questions superfluës, s'il usoit de trop grande rigueur, ou s'il auroit quelque vice semblable.

XXX.

Item, s'il est diligent tant à prescher, comme à visiter les malades, & admonester en particulier ceux qui en ont besoin, & à empescher qu'aucune chose se face au deshonneur de Dieu.

XXXI.

Item, s'il meine vie honneste, monstrant en soy bon exemple, ou bien si luy, ou sa famille sait quelque dissolution ou legereté qui le rende contemptible, & aussi s'il s'acorde bien avec son troupeau.

XXXII.

Et quant au Peuple, ceste mesme visite servira pour l'exhorter à frequenter les Predications, y prendre goust, & en faire son prosit, pour vivre Chrestiennement, & reverer la charge du Saint Ministere.

XXXIII.

Que le Ministre Deputé à faire la visite, apres

apres avoir presché & admonesté le Peuple, selon qu'il est dit, s'enquiere, tant des Gardes & Procureurs que des autres chess de samille, qui demeureront là apres la Predication pour cest esset, le Ministre du lieu s'estant retiré: asçavoir, touchant la doctrine & la vie du Ministre, & pareillement sur sa diligence & saçon d'enseigner, les exhortant au nom de Dieu, ne souffrir ne dissimuler chose qui empesche l'honneur de Dieu, l'avancement de sa parole, ni le bien de tous.

XXXIV.

Selon qu'il aura trouvé, qu'il en face le rapport en l'affemblée des Ministres: afin que s'il y avoit quelque defaut au Ministre dont il sera question, laquelle ne merite point plus grande correction que de parole, qu'il en soit admonesté selon la coustume. S'il y avoit offence plus grieve, qui ne deust point estre supportée, que les Deputez rapportent l'affaire pour y proceder comme de raison, à la sorme des Articles susdits au chapitre precedent.

XXXV.

Que ceste visitation n'emporte aucune connoissance de cause, ni espece de jurisdiction, mais que ce soit seulement un remede pour obvier à tous scandales, & sur tout afin que les Ministres ne s'abastardissent point & ne se corrompent.

XXXVI.

Aussi qu'elle n'empesche en sorte que ce

foit que la Justice n'ait sont cours, & qu'elle n'exempte point les Ministres de la subjection commune, & de repondre es causes civiles comme une autre personne devant la Justice ordinaire, moins que pour crimes il ne soit enquis sur leurs personnes, & qu'ils ne soyent punis quand ils auront offensé. En somme que leur condition demeure pour l'advenir telle qu'elle est de present.

XXXVII.

Quant à ce qui est du nombre, lieu, & temps des Predications, d'autant qu'on n'en pourroit bonnement rien determiner qui ne peust estre subject à quelque changement selon les circonstances des temps principalement, comme il est advenu quelquesois par ci-devant, que pour le present les choses demeurent en l'Estat auquel elles se trouvent, sauf à y pourvoir par ci-apres, selon que l'occasion le requerra.

CHAPITRE IV.

Des Sacremens.

XXXVIII.

Ue le Saint Baptesme ne se face qu'à l'heure de la Predication, & qu'il soit administré seulement par les Ministres. Qu'on enregistre les noms des pere, mere, enfant, & parrin avec le jour de la naissance de l'enfant & du Baptesme d'iceluy, que pour ce faire les dits

lesdits noms & le jour de la naissance soyent presentez par le pere au Ministre qui aura baptizé. Que s'il se trouve quelque bastard, la Justice en soit advertie, pour sur tel affaire proceder ainsi que de raison. XXXIX.

Qu'on ne reçoive à Parrins gens qui ne soyent fideles & de nostre confession: veu que ceux qui ne sont tels ne sont capables de faire promesses à l'Eglise d'instruire les ensans en la pure doctrine du Saint Evangile.

XI.

Item que ceux qui auront esté privez de la S. Cene, ne soyent receus à presenter ensans au Saint Baptesme, jusques à ce qu'ils se soyent reconciliez à l'Eglise.

Quant à l'imposition des noms qui se fait au Saint Baptesme, afin d'en exclure toutes profanations, avons ordonné pour bonnes raisons, de desendre que nul n'ait à imposer le nom de Claude, ou les noms de ceux qu'on a appellez les trois Rois, d'autant qu'ils ont esté appliquez à idolatrie en ce païs, & à quelque maniere de forcelerie. Item qu'on n'ait à imposer des noms d'offices, comme Ange, Baptiste, & semblables. Item le nom de Suaire est pareillement defendu, comme estant întroduit par une sottise trop lourde & ridicule.

XLII.

Que la Sainte Cene de nostre Seigneur Jesus Christ, 17

Christ, soit en son Eglise en plus fréquent usage que faire se pourra, selon son institution, & ainsi qu'il a esté observé en l'Eglise ancienne, jusques à tant que le diable a tout renversé, dressant la Messe au lieu de la S. Cene. Et pourtant c'est un désaut que de la celebrer trop rarement. Toutessois pour le present avons advisé & ordonné qu'elle soit administrée quatre sois l'année, assavoir le plus prochain dimanche de Noël, à Pasques, à Pentecoste, & le premier Dimanche de Septembre.

XLIII.

Que les Ministres distribuent le pain en bon ordre & avec reverence, & que les Anciens ou les Diacres distribuent la Couppe.

XLIV.

Que les tables soyent prés des chaires des Temples, afin que les Ministres se puissent rendre plus commodement prés d'icelles tables aprés la prédication & prieres accoutumées, pour administrer la Sainte Cene.

XLV.

Que la Sainte Cene ne soit celebrée qu'aux Temples.

XLVI.

Que le Dimanche devant qu'on celebre la S. Cene, on le denonce aux prédications, afin que nul enfant n'y vienne avant qu'avoir fait confession de sa foy, selon qu'il est porté ciaprés en l'Article du Catechisme: & aussi afin d'exhorter tous estrangers & nouveaux venus,

de se venir representer à l'un des Ministres de la paroisse afin d'estre instruits s'ils en avoyent besoin, & en somme que tous soyent advertis de se preparer, afin que nul n'en aproche à sa condamnation.

CHAPITRE V.

Des chants Ecclesiastiques.

XLVII.

Ous avons aussi ordonné d'entretenir & continuer le chant des Pseaumes, tant devant qu'apres le Sermon, comme il a essé bien introduit pour mieux inciter un chacun à louer & prier Dieu.

CHAPITRE VI.

Des Catechismes.

XLVIII.

Ue tous peres de famille & autres ayans charge de jeunes personnes qui n'ont point encores esté receus à la S. Cene, ayent le soin de conduire ou saire conduire leurs ensans, serviteurs, servantes, & nourrices nommément, au Catechisme, qui est le formulaire propre pour les instruire aux sondemens de la Chrestienté, comme il a esté composé pour cest usage. Et que ceux qui exposeront le Catechisme, aprés avoir proposé la doctrine comme elle

elle y est tres bien distinguée, interroguent par bon ordre les uns & les autres des enfans qui en auront besoing sur ce qu'ils viennent d'entendre, pour voir s'ils l'auront bien compris & retenu.

XLIX.

Quand un enfant sera sufisamment instruit pour se passer du Catechisme, qu'il recite solennellement le sommaire de ce qui y est contenu, & ainsi qu'il face comme une profession de sa Chrestienté en presence de l'Eglise: & que pour ce faire, on reserve les quatre Dimanches prochains devant les quatre jours de Cene.

L.

Que devant qu'avoir fait cela, nul enfant ne foit admis à recevoir la S. Cene: & qu'on advertisse les parens de ne les amener devant le temps. Car c'est chose fort dangereuse tant pour les peres que pour les enfans de les admettre à la S. Cene sans bonne & suffisante instruction: pour laquelle recognoistre, il est besoin d'user de l'ordre susmentionné.

LI.

Quant aux enfans qui vont à l'Escole, combien qu'ils soyent compris sous ceste ordonnance expressément, toutessois en ce qui concerne leur conduite au Temple, il en sera fait mention expresse au livre des Escoles.

LII.

Qu'on observe tant que faire se pourra, tant C ij pour pour les hommes que pour les jeunes gens, la distinction des paroisses, tant aux Catechismes comme à la participation des Sacremens, ainsi qu'il est expedient pour éviter consusson.

LIII.

Que ceux qui contreviendront au bon ordre apres avoir esté remonstrez suffisamment, s'ils persistent, soyent appelez au Consistoire: & si lors ils ne veulent obtemperer aux remonstrances qui leur seront saites, qu'il en soit sait rapport à la Seigneurie.

LIV.

Pour adviser lesquels seront seur devoir ou non, que les Anciens ayent l'œil dessus pour s'en donner garde, chacun principalement en son quartier.

CHAPITRE VII.

Des Interrogations qui se font devant Pasques.

LV.

Parant qu'en la confusion de la Papauté plusieurs n'ont esté enseignez en leur enfance, tellement qu'essans en aage d'hommes & de femmes ils ne savent que c'est de Chrestienté: nous avons ordonné qu'il se face visitation chacun An par les maisons, pour examiner chacun simplement de sa soy, afin que pour le moins nul ne vienne à la S. Cene, sans savoir quel est le fondement de son salut: & sur tout qu'on interrogue serviteurs, chambrieres,

brieres, nourrices, & gens estrangers estans venus ici d'ailleurs pour y habiter, afin que nul ne soit admis à la Sainte Cene devant qu'avoir esté approuvé.

LVI.

Que ladite visitation se face devant la Cene de Pasques, & qu'on prenne assez bonne espace de temps pour avoir loisir de la parachever.

LVII.

Que les Ministres partagent entr'eux selon qu'ils aviseront, les quartiers ausquels ils pourront sournir: mesmes qu'ils suivent l'ordre des dizaines, & que chacun d'eux ait avec soy un des Anciens afin qu'ils puissent consulter entr'eux touchant ceux qu'ils ne trouveront nullement instruits pour les remettre au Consistoire, s'ils ne sont nul devoir de prositer: & semblablement ceux qui se gouverneront mal, & que le Dizenier soit tenu de leur saire compagnie & de les adresser, afin que nul ne s'exempte de soy mesme de respondre à ladite visitation.

CHAPITRE VIII.

De la Visitation des Malades.

LVIII.

Pource que plusieurs sont négligens de se consoler en Dieu par sa parole, quand ils se trouvent en necessité de maladie, dont avient

que

que plusieurs meurent sans aucune admonition ou doctrine laquelle lors est à l'homme plus necessaire que jamais: pour ceste cause avons advisé, & ordonné que nul ne demeure trois jours entiers gisant au lict malade, qu'il ne le sasse favoir au Ministre: & que chascun appelle les Ministres à heure opportune, afin de ne les distraire de leur charge en laquelle ils servent en commun à toute l'Eglise. Et pour oster toute excuse, que cela soit recommandé specialement aux parens, amis, & gardes: afin qu'ils n'atendent pas que le malade soit prest à rendre l'esprit. Car en telle extremité les consolations ne servent de guere à la pluspart.

CHAPITRE IX.

De la Visitation des Prisonniers.

LIX.

In outre avons ordonné que certain jour de la femaine chacun des Ministres de la Ville à son tour face quelque remontrance aux prisonniers, pour les admonester & exhorter: & qu'il y ait un des Seigneurs du Conseil deputé pour y assister, asin qu'il ne s'y commette aucune fraude.

CHAPITRE X

. De la Sepulture.

LX.

U'on ensevelisse honnestement les morts au lieu ordonné. De la suite & compagnie nous laissons cela à la discretion d'un chacun.

LXI.

Nous avons outre plus ordonné, que les Porteurs ayent serment à la Seigneurie d'y verfer fidelement, & aussi de ne point porter les corps à heure induë, & de faire rapport, si quelcun estoit mort subitement, asin d'obvier à tous inconveniens qui s'en pourroyent ensuivre.

LXII.

Item qu'apres la mort ils n'ayent à porter le corps en sepulture qu'apres temps suffissant, selon les accidens de la maladie: & qu'ils tiennent registre des morts, & en facent rapport toutes les sepmaines à l'Hopital.

LXIII.

Que nul acte de la religion papistique ne soit saict, ni souffert estre saict, soit obliquement, couvertement, ou manisestement, pour le respect de grand ni de petit de la Ville ou d'ailleurs, de quelque qualité que ce soit, ni en la Ville ni aux terres d'icelle, sur grieves peines contenues en nos precedens Edits.

TITRE

まごで あいかもんじか もくりかんじゅんじゅんじゅんじゅんじゅんじゅんじゅんじゅんじゅんじゅん

TITRE II.

CHAPITRE I.

S'ensuit le second ordre du Gouvernement Ecclesiastique, assavoir des Docteurs.

LXIV.

A charge propre des Docteurs est, d'enfeigner les sideles en saine doctrine, asin que la pureté de l'Evangile ne soit corrompue, ou par ignorance, ou par mauvaises opinions. Toutesois selon que les choses sont aujourd'huy disposées, nous comprenons en ce Titre les aides & instrumens pour conserver semence à l'advenir, & faire que l'Eglise ne soit destituée par saute de Pasteurs, & Ministres. Ainsi pour user d'un mot plus general, nous appellerons ce second ordre, l'ordre des Escoles.

LXV.

Le degré plus prochain au ministére & plus conjoint au gouvernement de l'Eglise est la lecture de Theologie, dont il sera bon qu'il s'en face une du Vieil, & l'autre du Nouveau Testament.

LXVI.

Mais pource qu'on ne peut profiter en telles leçons, que premierement on ne soit instruit aux langues & sciences humaines, & aussi est besoin

25

besoin d'essever de la sémence pour le temps advenir, asin de ne laisser l'Eglise deserte à nos ensans, le College a esté dressé pour les instruire & preparer, tant au Ministere qu'au gouvernement civil.

La façon d'y proceder se trouvera au livre

des Escholes.

TITRE III.

AMORAMACOMOCOCCOPACOCOMOCOCAMACO

S'ensuit le troisiéme Ordre du Gouvernement Ecclesiastique, asçavoir, des Anciens.

CHAPITRE I.

Comment les Anciens doivent estre introduits en leur Charge.

LXVII.

L A charge des Anciens est de prendre garde sur la vie d'un chacun, d'admonnester amiablement ceux qu'ils verront faillir & mener vie desordonnée, & la où besoin seroit, en faire rapport au Consistoire, auquel se doivent faire les Censures Ecclesiastiques.

LXVIII.

Quant à la maniere de les eslire, nous avons ordonné que le Petit Conseil avise de nommer les plus propres qu'on pourra trouver, gens de bonne & honneste vie, sans reproche, & hors de tout soupçon, sur tout craignans Dieu,

8

& ayans bonne prudence spirituelle. Et pour ce saire, d'autant mesmes que les dits Anciens ont leur charge commune avec les Ministres de la Parole, avons ordonné que les dits Ministres soyent appellez par le Conseil pour avoir advis d'eux quelles gens il sera bon de choisir, LXIX.

Comme ceste Eglise est disposée qu'on eslise pour Anciens, deux du Petit Conseil, & dix Citoyens ou Bourgeois, tant du Conseil des Soixante, que du Conseil des Deux Cent: & les faudra tellement eslire qu'il y en ait en chacun quartier de la Ville, afin d'avoir l'œil par tout.

LXX.

Et en cas que l'un des deux Seigneurs du Conseil esleu pour Ancien sust aussi lors Syndique, qu'il ne soit toutesois au Consistoire qu'en ceste qualité d'Ancien, pour gouverner l'Eglise avec la Compagnie. Seulement que ledit Syndique, ou à son desaut le plus prochain seant apres luy, ait autorité de bailler le serment en Consistoire à qui il sera requis, & aussi, de renvoyer devant le Conseil ceux que le Consistoire aura advisé.

LXXI.

Que ceux qui auront esté ainsi esseus soyent presentez au Conseil des Deux Cent pour les approuver, s'il les trouve dignes.

LXXII.

D'avantage que les noms desdits Anciens foyent

soyent proclamez en l'Eglise, comme il a esté dict de ceux des Ministres, tant afin que ils ayent autorité requise à exercer une telle charge, qu'aussi pour donner liberté à tous ceux de l'Eglise d'advertir de leur insussissance, dedans le Jeudy prochainement ensuivant, ceux qu'il appartiendra, asçavoir l'un des Syndiques.

LXXIII.

Si quelcun estoit trouvé indigne & demonstré tel par probations legitimes, il faudra proceder à nouvelle election pour en prendre un autre.

LXXIV.

Quand les Anciens auront esté esleus & approuvez selon que dessus, qu'ils ayent à jurer entre les mains de la Seigneurie en la forme qui s'ensuit.

LXXV.

Je promets & jure suyvant la charge qui m'est donnée, de veiller sur tous scandales, empescher toutes idolatries, blasphemes, disfolutions, & autres choses contrevenantes à l'honneur de Dieu, & à la reformation de l'Evangile, & d'admonester ceux qu'il appartiendra, selon que l'occasion m'en sera donnée.

LXXVI.

Item quand je sçauray chose digne d'estre raportée au Consistoire, d'en faire mon devoir sidelement, sans haine ni faveur, mais seulement afin que l'Eglise soit maintenue en bon ordre, & en la crainte de Dieu.

D ij LXXVII.

Item quant à tout ce qui sera de ma charge, de m'en acquiter en bonne conscience, & d'observer les ordonnances qui sont passées sur cela, par le Petit, Grand & General Conseil, LXXVIII.

Et d'autant qu'il ne seroit expedient de changer souvent les Anciens & sans cause, lors qu'ils s'acquiteront fidelement de leur charges quand le Conseil advisera à dresser le Consistoire de l'année en laquelle on entrera, qu'on regarde ceux qui devront estre continuez ou changez: & que ceux sur lesquels on s'arressera, soyent presentez en Deux Cent comme les autres qu'on aura esseus de nouveau, comme il est compris ci-dessus.

LXXIX.

Que ceux du Consistoire tant Ministres que Anciens ayent leur censure devant chaque Cene en ce qui concerne leur commune charge.

CHAPITRE II,

Du Consistoire.

LXXX.

Ue les Anciens s'affemblent le Jeudi à midi avec les Ministres par chaque semaine, pour voir s'il y a quelque desordre en l'Eglise, soit en general ou en particulier pour traiter des remedes, quand & selon qu'il en sera besoin.

LXXXI.

LXXXI.

Pource que le Consistoire n'aura nulle auctorité ne jurisdiction pour contraindre, avons advisé leur donner un de nos officiers, pour appeller ceux auxquels ils voudront faire quelque remonstrance.

LXXXII.

Si quelcun par mespris resuse de comparoistre, le Consistoire en advertira le Conseil asin d'y donner ordre.

LXXXIII.

Quant aux causes pour lesquelles le Consifloire apellera quelcun, & aussi de la procedure qu'on aura à tenir envers ceux qui y seront apelez : il faut regarder à se tenir à la reigle que nostre Seigneur Jesus Christ nous a baillée, afin de la pratiquer, nommément au sait des remonstrances particulières ou publiques.

LXXXIV.

C'est que des vices secrets on les reprenne secrettement: & que nul n'ameine son prochain en Consistoire pour aucune saute laquelle ne soit point notoire, ni scandaleuse, sinon apres l'avoir trouvé rebelle ou contempteur des remonstrances particulières.

LXXXV.

Que ceux qui se seront moquez des remonfrances particulières, soyent admonestez dereches par le Consistoire. Et s'ils ne vouloyent venir venir à aucune raison, ni recognoistre leur faute quand ils en seront convaincus, qu'on leur dénonce qu'ils ayent à s'abstenir de la Sainte Cene, jusques à ce qu'ils reviennent estans en meilleure disposition.

LXXXVI.

Quant est des vices notoires & publics lefquels l'Eglise ne peut pas dissimuler, si ce sont fautes qui meritent seulement remonstrance, le Consistoire appellera ceux qui en seront coupables, pour leur remonstrer amiablement, afin qu'ils s'en corrigent. Et si on y voit amendement, qu'on les laisse en paix; mais s'ils persistent à mal faire qu'on leur remonstre dereches en Consistoire. Et si à la longue on ne profitoit rien, qu'on leur dénonce comme à contempteurs de Dieu, qu'ils ayent à s'abstenir de la S. Cene, jusques à ce qu'on voye en eux changement de vie.

LXXXVII.

Quant est des crimes qui ne meritent pas seulement remonstrance ou censure Ecclesia-stique, mais aussi correction avec chastiment, si quelqu'un y est tombé, selon l'exigence du cas, luy faudra dénoncer qu'il s'abstienne pour quelque tems de la S. Cene, pour s'humilier devant Dieu, & mieux recognoistre sa faute.

LXXXVIII.

S'il y a quelqu'un qui dogmatise contre la doctrine receuë, qu'il soit appelé pour conserer avec luy: s'il se range, qu'on le supporte sans

fans scandale ni diffame : s'il est opiniastre, qu'on l'admoneste par quelques sois pour es-sayer à le reduire. Si on voit enfin qu'il soit besoin de plus grande severité, qu'on lui interdise la Sainte Cene, & qu'on en advertisse le Magistrat afin d'y pourvoir. LXXXIX.

Si quelcun est notoirement nonchalant d'assister aux prédications en l'assemblée des fideles, qu'on le luy remonstre particuliérement par quelquesois: & s'il ne continue en sa faute qu'on le supporte quant au passé. Mais s'il persevere de mal en pis, tellement que les admonitions particulieres n'y ayent point de lieu, qu'on l'appelle en Consistoire pour luy remonstrer plus vivement, & s'il ne s'amende qu'on luy interdise la S. Cene & qu'on en advertisse le Magistrat.

XC.

Si quelqu'un s'abstient volontairement de la S. Cene, & combien qu'on lui ait remonstré n'en tienne conte, ou bien que celuy à qui elle aura esté défendue ne tienne conte de la venir demander par long espace de temps, qu'il soit appelé en Consistoire pour le reprendre d'un tel mespris, & l'induire à se disposer à faire son devoir à l'advenir. Et en cas que ce soit pour cause d'inimitié, qu'on l'exhorte de se reconcilier avec sa partie: ou s'il y a quelque autre empeschement, qu'on y pourvoye comme de raison. S'il ne se trouve disposé à

recevoir du premier coup une telle remonfirance, qu'on luy donne terme pour mieux penser à soy.

XCI.

Mais s'il continue en son obstination, tellement qu'outre le passé il demeure encores demi an sans venir demander la S. Cene comme il appartient, qu'estant envoyé devant le Confeil (sinon qu'il demande pardon de sa faute & soit prest de l'amender) il soit banni pour un an de la ville, comme incorrigible. Et toutessois encore qu'il recognust sa faute, que neantmoins, pour avoir rejetté les admonitions du Consistoire, il soit chastié à la discretion de la Seigneurie, & renvoyé au Consistoire pour reparer le scandale qu'il a commis, se monstrant ainsi rebelle.

XCII.

Pareillement si quelqu'un aprés avoir esté exhorté comme dit est, & avoir promis de recevoir la S. Cene, n'en fait rien, qu'il soit appelé pour estre redargué de son hypocrisse & feintise. Et si pour la seconde sois il est convaincu d'avoir abusé & frustré le Consistoire, qu'il ait semblable punition comme dessus.

XCIII.

Si quelqu'un par contumace ou rebellion se vouloit ingerer à recevoir la S. Cene contre la dessence qui lui en auroit esté faite, le devoir du Ministre sera de le renvoyer, veu qu'il ne luy est loisible de le recevoir à la communion. Et neantmoins que tout cela soit tellement moderé, qu'il n'y ait rigueur aucune dont personne soit grevé: & mesmes que les Censures ne soyent sinon medecines pour reduire les pecheurs à nostre Seigneur.

XCIV.

D'autant que la parole de Dieu nous enseigne que ceux qui auront esté endurcis pour ne point obeïr aux remonstrances de l'Eglise, doivent estre tenus comme Payens, & que S. Paul aussi dessend de les hanter, & veut qu'ils soyent reduits par honte, asin de s'humilier à repentance, ce qui ne se peut saire sans qu'ils ayent esté declarez obstinez & incorrigibles d'avantage aussi que les scandales publics qui auront troublé l'Eglise, doivent estre reparez; Nous avons ordonné que ci aprés ceux qui auront esté excommuniez par le Consistoire, s'ils ne se rangent aprés avoir esté deuëment admonestez, mais persistent en leur rebellion, soyent déclarez par les Temples en la prédication du Dimanche estre retranchez du troupeau de l'Eglise, jusques à ce qu'ils viennent recognoistre leur saute, & se reconcilier à toute l'Eglise.

XCV.

Et quant à ceux qui pour sauver seur vie se seroyent desdits, & auroyent renoncé la pure soy de l'Evangile, ou qui aprés avoir receu ici la S. Cene, seroyent retournez aux abominations de la Papauté, qu'ils soyent appelez en

Consistoire pour estre exhortez à venir recognoistre & confesser leur faute au Temple devant toute l'Eglise, pour là en demander pardon à Dieu & se reconcilier à toute l'Eglise, de laquelle ils s'estoyent retranchez par leur chûte.

XCVI.

Que cet ordre soit non seulement pour la Ville, ains aussi pour les Villages dependans de la Seigneurie.

XCVII.

Que toutes les remonstrances Ecclesiastiques se facent en telle sorte, que par le Consistoire ne soit en rien derogué à l'auctorité de la Seigneurie, ni de la Justice ordinaire: ains que la puissance civile demeure en son entier. Et mesmes où il seroit besoin de faire quelque punition, ou contraindre les parties, que le Consistoire ayant ouy les parties, & fait les remonstrances & censures Ecclesiastiques, ait à raporter le tout au Conseil: lequel, sur son rapport advisera d'ordonner, & faire jugement selon l'exigence du cas. Car combien que ce soyent choses conjointes & inséparables que la Seigneurie & Superiorité que Dieu nous a donnée, & le Gouvernement spirituel qu'il a ordonné en son Eglise, toutessois elles ne doivent nullement estre confuses, puis que celuy qui a tout empire de commander, & auquel nous voulons rendre subjection comme nous devons, veut estre tellement recogneu l'auteur

du gouvernement Politique & Ecclesiastique, que cependant il a expressement discerné tant les vocations que l'administration de l'un & de l'autre.

CHAPITRE III.

Des Mariages & premierement des personnes qui se peuvent marier.

XCVIII.

Ue les peres, tuteurs ou curateurs n'ayent à faire contracter mariage à leurs enfans, pupilles, ou mineurs, jusques à ce qu'ils soyent venus en aage de pouvoir consommer le mariage.

XCIX.

Que nul jeune homme ne puisse estre marié, qu'il n'ait au moins dixhuict ans accomplis, & la fille quatorze: & encores qu'avec l'aage on ait esgard à ce que la corporance portera.

(A) Que nuls jeunes gens qui n'ont jamais esté mariez, soyent fils ou filles ayans encor leurs peres vivans, n'ayent puissance de contracter mariage sans congé de leurs dit peres, sinon qu'estans parvenus en aage legitime, asça
E ii voir

(A) Cet Article & les deux suivans ont été changés par l'Article II. de nos Edits Civils au Titre des Mariages dotes & augment.

voir le fils à vingt ans, & la fille à dixhuict, & ledit aage passé ils ayent requis, ou fait requerir deuement leurs peres de les marier, & qu'iceux n'en ayent tenu conte, & qu'il en ait esté cogneu par le Consistoire, aprés avoir apellé lesdits peres, & les avoir exhorté de saire leur devoir: auquel cas il sera permis ausdits jeunes gens de se marier sans l'auctorité de leurs peres, en les renvoyant devant le Confeil pour les auctoriser de ce saire.

CI.

Que le semblable soit observé aux pupilles, qui sont sous l'auctorité de tuteurs ou curateurs. Toutessois que la mere ou le curateur ne puisse marier celui ou celle qu'ils auront en charge, sans appeller des principaux parens s'il y en a, & au désaut d'iceux, des plus prochains voisins ou amis, gens de bonne & honneste reputation.

CII.

En cas que les jeunes gens se marient, sans congé de pere ou de mere en l'age auquel il leur a esté permis cy-dessus, estant cognu qu'ils ont licitement sait pour la négligence ou trop grande rigueur de leurs peres, que les-dits peres soyent contraincts à leur assigner dot, ou leur faire tel parti & condition comme s'ils y avoient consenti, à ladite & cognoissance du Conseil, aprés avoir eu l'advis & raport des parens: eu aussi esgard és circonstances & qualitez des personnes & biens.

CIII.

37 CIII.

Que nul pere n'ait à contraindre ses ensans à tel mariage que bon luy semblera contre le bon gré & consentement de ceux ou celles qu'ils veulent marier: mais que l'ensant qui ne voudroit accepter le parti que son pere luy voudroit donner, s'en puisse excuser, gardant toujours modestie & reverence, sans que pour tel resus, le pere lui en fasse aucune punition. Le semblable sera observé en ceux qui sont en tutelle ou curatelle.

CIV.

S'il advient que l'enfant qui aura refusé le parti que son pere luy aura voulu donner, en choisisse puis après un autre qui ne soit point tant à son prosit & avantage, que le pere à cause de telle rebellion ou mespris, ne soit tenu sa vie durant lui rien donner.

CV.

Que ceux ou celles qui auront esté desja mariez, combien qu'ils ayent leurs peres encor vivans, soyent neanmoins en liberté de se pouvoir remarier, moyennant qu'ils ayent l'aage sussidiét accompli, asçavoir, de vingt ans pour le fils, & dixhuict pour la fille, & qu'ils ayent esté emancipez, c'est à dire, qu'ils soyent sortes de la maison de leurs peres, ou qu'ils ayent tenu mesnage à part. Combien qu'il sera tousiours plus honneste qu'ils se laissent gouverner par le conseil de leurs peres, en tels affaires principalement.

Que nul Eunuque, c'est à dire, celui auquel desaudroyent entierement les parties necessaires à generation, ne soit receu à faire promesse de mariage, encor qu'il trouvast partie qui y consentist.

CVII.

Que nulle vefve ne puisse faire promesse de mariage, que six mois après la mort de son mary, sur peine de chastiment, sauf si le congé luy est donné par le Conseil.

CVIII.

Quant à l'homme veuf, combien qu'il n'y ait tel esgard qu'à la semme, qu'il attende neantmoins quelque temps raisonnable avant que se remarier; tant pour obvier au scandale, que pour monstrer aussi qu'il a senti la main de Dieu.

CIX.

Que la femme aagée de quarante ans & non plus, ne puisse prendre homme moins aagé qu'elle de dix ans, & que celle qui a passé quarante ans ne puisse prendre l'homme moins aagé qu'elle de cinq ans.

CX.

Que l'homme ayant soixante ans passez ne puisse prendre fille ou semme en mariage moins aagée de luy que de la moitié.

CXI.

Que celui qui aura commis adultere avec la femme d'autrui, quand il fera venu à notice, 39

ne la puisse prendre à semme, pour le scandale, & les dangers qui y sont.

CXIL

Que nulles promesses de mariage ne se facent entre personnes qui n'ayent fait profession de l'Evangile, ou qui venans de la Papauté ne facent ladicte profession par promesses expresses en Consistoire, ou au Temple, devant la celebration du mariage, & quand il se trouvera des promesses autrement faictes & pratiquées, le tout soit déclaré nul, les parties & ceux qui auront moyenné, ou consenti à telles promesses, soyent punis selon l'exigence du cas.

CHAPITRE IV.

Des degrez de Consanguinité qui empeschent le Mariage.

CXIII.

EN ligne directe, c'est à dire, du pere à la fille, ou de la mere au fils, & d'entre tous autres ascendans & descendans, que nul mariage ne se puisse contracter, d'autant que cela contrevient à l'honnesseté de nature, & est dessendu, tant par la Loy de Dieu que par les loix civiles.

CXIV.

Pareillement d'oncle à niece ou arriere-niece, de tante à neveu ou arriere neveu, & consequemment: d'autant que l'oncle represente le pere, & la tante represente la mere.

CXV.

Item entre frere & sœur, soit de pere & de mere, ou de l'un des deux.

CXVI.

Quant aux autres degrés de parentage, combien que le mariage ne soit point desendu par la Loy de Dieu: neantmoins pour eviter scandale en ce qui de long temps n'a point esté accoustumé, afin que par aucune occasion de nostre part, la parole de Dieu ne soit blasphemée par les ignorans, (B) Nous ordonnons que le cousin germain qui est fils du frere ou de la sœur, ne puisse espouser sa cousine germaine, jusques à ce qu'avec le temps il en soit autrement par nous advisé. Aux autres degrez au dessous du cousin germain, qu'il n'y ait nul empeschement.

CHAPITRE V.

Des degrez d'Affinité qui empeschent le Mariage.

CXVII.

Ue nul ne prenne à femme la relaissée de fon fils ni du fils de son fils : & que nulle ne prenne le mari de sa fille, ni de la fille de sa fille, ni consequemment des autres tirans en bas en ligne directe.

CXVIII.

⁽B) Cet Article a été changé par l'Article III. de nos Edits Civils, au Titre des Mariages dotes & augment.

CXVIII.

Que nul ne prenne la fille de sa femme, ni la fille d'icelle fille & consequemment.

CXIX.

Que la femme ne puisse prendre le fils de fon mari, ni le fils d'iceluy & conséquemment.

Que nul ne prenne la relaissée de son neveu ni de son arriere neveu, & que nulle semme ne prenne le mari de sa niece, ou de son arriere niece.

CXXI.

Que nul ne prenne la relaissée de son frere : & que nulle semme ne prenne celui qui aura esté mari de sa sœur.

CHAPITRE VI.

Des promesses de Mariage & de l'accomplissement d'icelles.

CXXII.

Ue toutes promesses de mariage se facent honnestement & en la crainte de Dieu, & non point en dissolution, ne par legereté frivole, comme en tendant seulement le verre pour boire l'un à l'autre, sans s'estre premièrement accordé de propos rassis. Et que ceux qui seront autrement, soyent chastiez. Mais à la requeste d'une des parties qui se diroit avoir esté surprinse, telle promesse de mariage soit rescindée:

F CXXIII.

CXXIII.

Combien qu'en pourparlant ou devisant de mariage, il soit loisible d'y ajouster condition, ou reserver la volonté de quelcun, toutessois quand il est question de faire la promesse, il la faut faire pure & simple, & par paroles de present: tellement qu'un propos de mariage qui aura esté tenu sous condition, ne soit tenu pour promesse de mariage.

CXXIV.

Que nulle promesse de mariage ne se face clandestinement, sous condition, ou autrement, entre les jeunes gens qui n'auront point encore esté mariez: mais qu'il y ait pour le moins deux tesmoins, gens de bien & de bonne reputation, & qui sçachent en quelle authorité se sont les promesses: autrement le tout sera nul.

CXXV.

S'il advient que deux jeunes gens, ou bien l'un des deux ayent contracté mariage ensemble de leur propre mouvement, par folie ou legereté, qu'ils en soyent punis & chastiez; & que telles promesses soyent rescindées à la requeste de ceux qui les auront en charge.

CXXVI.

S'il se trouve quelque subornation en tels saicts, ou que quelcun les ait induits à cela, & s'en soit entremessé, qu'un tel ou une telle soyent punis par prison de trois jours au pain & à l'eau, & qu'il crie mercy à ceux à qui il attouchera.

CXXVII.

Que les tesmoings qui se seront trouvez quand telles promesses de mariage auront esté faites, soyent aussi punis par prison d'un jour au pain & à l'eau.

CXXVIII.

Après une promesse de mariage faicte, que le mariage soit accomply dedans six semaines, s'il n'y avoit cause raisonnal le pour le differer plus longuement: autrement qu'on appelle les parties au Consiste pour leur remonstrer: s'ils n'obeissent, qu'ils soyent renvoyez devant le Conseil, pour estre contraints d'accomplir leur mariage.

CXXIX.

Que toute promesse de mariage soit publiée en l'Eglise par annonces qui se seront par Dimanches consecutifs, ayans la signature du premier Syndique pour attestation de cognoissance des parties: tellement aussi qu'ils puissent estre espousez au Dimanche auquel eschet la 3. publication: laquelle sera lors tenuë pour faite au Sermon auquel on se voudra marier. Et s'il y a une des parties qui soit d'autre Parroisse que de celles de la Ville, qu'on en ait aussi bien attestation par les annonces proclamées & soubsignées du Ministre du lieu.

CXXX.

Que s'il fe faisoit quelque opposition sur les annonces, ou lors qu'on celebre le mariage, le Ministre ait à remettre l'opposant par devant le F ij ConConsistoire au prochain jour, & l'admonesser d'y faire citer sa partie, en surfeant cependant aux annonces, ou au mariage: mais aussi que nul ne soit receu à telles oppositions, sinon qu'il soit de la Ville, ou autrement cognu, ou ayant quelcun de cognoissance avec luy, qui puisse respondre des interests: & ce, pour éviter à ce qu'aucun ne face vitupere ou dommage à une sille honeste, ou le contraire.

CXXXI.

Que si l'oposant ne se trouvoit au jour qu'il auroit esté remis, qu'on procede aux annonces & au mariage, comme s'il n'y estoit survenu aucun empeschement, reservant à la partie interessée de se pourvoir ou il appartiendra.

CXXXII.

Que devant les fiançailles, & jusques à ce que le mariage ait esté benit en l'Eglise, à la façon des Chrestiens, les parties n'habitent point ensemble comme mari & semme, sur peine de trois jours de prison au pain & à l'eau. Et qu'estans appellez en Consistoire, ils y soyent remonstrez de leur saute.

CXXXIII.

Que les parties au temps qu'elles doivent estre espousées, viennent modestement au Temple, sans tabourins, ne menestriers, ni les espousées particulierement avec cheveux pendans, mais tenans gravité convenable à Chrestiens & Chrestiennes, & qu'ils se rendent au Temple devant que l'heure du Sermon sonne,

afin que la benediction du mariage se face commodément à l'entrée du Sermon. S'ils sont négligens & arrivent trop tard, qu'on les renvoye.

Qu'il soit loisible de celebrer les mariages tous les jours, asçavoir, les ouvriers à tel des Sermons, qu'il semblera bon aux parties, & le Dimanche au premier & au dernier Sermon, reservé seulement les jours qu'on celebre la S. Cene, afin que lors il n'y ait nulle distraction, & que chacun soit mieux disposé à recevoir le

CXXXV.

S. Sacrement.

Que les noms de l'Espoux & de l'Espouse soyent enregistrez par le Ministre qui aura celebré le mariage, afin d'en avoir memoire & tes-moignage, quand & où appartiendra.

CHAPITRE VII.

Des differens survenans és promesses de Mariage:

CXXXVI.

Ue toutes causes matrimoniales concernantes la conjonction ou separation personnelle & non pas les biens, soyent traitées premierement en Consistoire: & que là s'il se peut saire appointement amiable, qu'il se face au nom de Dieu. S'il est requis de prononcer sentence juridique, que les parties soyent renvoyées au Conseil avec déclaration de l'advis du Consistoire, pour en donner la sentence dessinitive.

CXXXVII.

CXXXVII.

Que depuis qu'il appert d'une promesse de mariage legitimement faite entre personnes capables, que telle promesse ne soit point rescindée sinon pour l'un de ces deux cas, asçavoir, quand il se trouveroit par probation suffisante que celle qui auroit esté prise pour vierge ne le seroit pas: ou que l'une des parties auroit maladie contagieuse en son corps & incurable.

CXXXVIII.

Si quelcun tire une partie en cause, alleguant qu'elle luy ait fait promesse de mariage sans que cela se puisse prouver par deux tesmoins, gens de bien & de bonne renommée, qu'en cas de négative, le serment soit deseré à la partie désendante, & qu'en le niant, elle soit absoulte.

CXXXIX.

Si une fille estant deuëment liée par promesse de mariage, est transportée frauduleusement du territoire, afin de ne point acomplir le mariage, qu'on s'enquiere s'il y a quelcun en la ville qui ait aidé à cela, afin qu'un tel soit contraint de la faire retourner, sous telle peine qu'il sera avisé, ou bien si elle a tuteurs ou curateurs, qu'il leur soit enjoint de la faire venir s'il est à eux possible.

CXL.

Si un homme aprés avoir promis fille ou femme, s'en va en un autre païs, & que la fille ou femme en vienne faire plainte au Consistoire, demandant qu'on la delivre de sa promesse, attendu

tendu la desloyauté de sa partie, qu'on s'enquiere s'il l'a fait pour quelque occasion honneste & du sçeu de sa partie, ou bien si ç'a esté par desbauchement, & de ce qu'il n'aura point eu vouloir d'accomplir le mariage. S'il se trouve qu'il n'ait point eu de raison apparente, & qu'il l'ait fait de mauvais vouloir, qu'on s'enquiere du lieu où il s'est retiré, & s'il y a moyen, qu'on lui notifie qu'il ait à venir dedans certains jours, pour s'acquitter de la foy qu'il a promise. S'il ne comparoist point ayant esté adverti, que la partie complaignante soit envoyée par le Consistoire au Magistrat, pour obtenir lettres, en vertu desquelles, son dit promis soit proclamé par trois Dimanches au temple, à ce qu'il ait à comparoir, tellement qu'il y ait quinze jours de distance de l'une des proclamations à l'autre, & ainsi que tout le terme soit de six semaines. S'il ne comparoist dedans le terme, que la partie complaignante se represente devant le Magistrat, pour estre déclarée libre, en bannissant ledit pretendu espoux, pour sa desloyauté. S'il comparoist, qu'on le contraigne de celebrer le mariage au premier jour qu'il se pourra faire. Que si on ne sait en quel païs il est allé, & que la fille ou la femme avec les plus prochains parens ou amis d'iceluy s'il en a, jurent qu'ils en sont ignorans, qu'on face les mesmes proclamations, comme si il luy avoit esté notifié: s'il avoit quelque juste raison, & mesmes qu'il eust adverti sa partie, que ladite partie attende l'espace

l'espace d'un an, devant qu'en son absence on puisse proceder à l'encontre de luy; & cependant que sadite partie face toute diligence, tant par elle, que par ses amis, pour l'induire à se retirer. Que si aprés l'an passé, il ne revient point, alors que les proclamations se facent, & qu'il soit pourveu à la partie complaignante, selon qu'il est porté ci-dessus.

CXLI.

Que le semblable se face en faveur de l'homme contre la fille ou semme qu'il auroit siancée, si elle s'estoit absentée: reservé que l'homme ne soit point contraint d'attendre un an, encores que sa partie sust partie du sceu & consentement d'iceluy, sinon qu'il luy eust donné congé de faire voyage qui requist une si longue absence.

CXLII.

Que par faute du dot, ou d'argent, ou d'acoustremens, le mariage ne soit point empesché qu'il ne vienne en son plein effet, d'autant que ce n'est que l'accessoire.

CHAPITRE VIII.

Pour quelles causes un Mariage peut estre déclaré nul.

CXLIII.

S'Il advient qu'une femme se plaigne que celui qu'elle aura espousé soit malesicié de nature, ne pouvant avoir compagnie de semme, & que cela se trouve vray par consession ou visitation, que le mariage soit déclaré nul, & la semme mise en liberté, avec dessenses à un tel homme de ne plus abuser semme. Et mesmes quand ledit homme se trouveroit Eunuque, encores que sa semme n'en sist plainte, que neantmoins telle conjonction ne soit nullement supportée, mais un tel abuseur chassié selon l'exigence du cas.

CXLIV.

Pareillement si l'homme se complaint de ne pouvoir habiter avec sa semme pour quelque desaut qui soit au corps d'icelle, & qu'elle ne veuille souffrir qu'on y remedie, aprés avoir cogneu la verité du sait, que tel mariage soit déclaré nul.

CHAPITRE IX.

Pour quelles causes un Mariage peut estre réscindé.

CXLV.

SI le mari accuse sa femme d'adultere, & preuve qu'elle soit telle par tesmoignages ou indices suffisans, demandant d'estre separé d'avec elle, qu'on le luy octroye: & en cas qu'elle s'absente, qu'on luy octroye lettres de proclamations, & à faute de comparoir & de se justifier de l'accusation de son dict mari, que luy soit mis en liberté s'il persiste en sa demande.

CXLVI.

Combien qu'anciennement le droit de la fem-

me n'ait point esté esgal à celuy du mari en cas de divorce, toutesfois puis que selon le temoignage de l'Apostre, l'obligation est mutuelle & reciproque quant à la cohabitation du lict, & qu'en cela le mari n'est point moins obligé a la femme que la femme au mari, si un homme est convaincu d'adultere, & sa femme demande d'estre separée de luy, qu'il luy soit aussi bien octroyé, si elle ne luy veut pardonner, ains qu'elle persiste en sa demande. Toutessois si l'une des parties estoit en coulpe evidemment d'avoir fait tomber l'autre en adultere, ou qu'il se verifiast que quelque fraude eust esté faite tendant à fin de Divorce, en un tel cas ne sera receuë la partie interessée à demander divorce, Ce que dessus ayant tellement lieu, que ce soit sans préjudicier à la loy civile ci-devant faite contre les adulteres.

CHAPITRE X.

Des differens és Mariages.

CX LVII.

Ue le mari & la femme ayent mesme habitation, & tiennent mesnage commun. Et c'il avient que l'un se retirast d'avec l'autre pour vivre à part, qu'on l'en advertisse particulierement, & si le scandale est public & continue, qu'on l'appelle en Consistoire avec sa partie pour l'induire à faire bon mesnage: s'ils n'obeïssent, que celuy à qui il tiendra soit renvoyé devant le Magistrat pour le contraindre à faire son de-

CXLVIII.

Si un mari ne vit point en paix avec sa semme, mais qu'ils ayent questions & debats ensemble tournans à soandale public, tellement que les admonitions particulieres n'y ayent point de lieu, qu'on les appelle pour leur remonstrer leur saute, & qu'on les exhorte à vivre en bonne paix & concorde à l'advenir. S'ils obeïfsent, qu'on se contente. Si on apperçoit qu'ils continuent en mal, qu'on leur reitere dereches les mesmes remonstrances plus visvement. Et si cela ne profite, alors que la S. Cene soit defendue à la partie à laquelle il tiendra, & icelle renvoyée au Conseil pour y pourvoir.

CXLIX.

Si on cognoist qu'un mari traite mal sa semme, la batte & la tourmente, ou la menace de lui faire quelque outrage, & qu'il soit cogneu homme de colere désordonnée, qu'il soit renvoyé devant le Conseil, pour lui saire désence expresse de ne la plus maltraiter, sous certaine punition.

CHAPITRE XI.

Provision en cas de Désertion pour la partie interessée.

CL.

CI un homme estant allé en voyage lointain, oit pour quelque trafique ou autrement sans estre desbauché ni aliené de sa semme, ne retourne de long temps, & qu'on ne fache qu'il foit devenu, tellement que par conjectures raisonnables on le tienne pour mort, qu'il ne soit permis à sa semme de se remarier, ni en saire promesses, jusques après le terme de sept ans accomplis depuis le jour de son partement, sinon qu'il y eust tesmoignages certains de la mort dudit mari, lesquels estans produits en Consistoire, on la pourra renvoyer au Conseil pour estre déclarée mise en liberté. Et neanmoins que ledit terme de sept ans pour fonder la presomption de la mort dudit mari ne s'estende sinon qu'au cas, que pendant ledit terme on n'ait eu aucune nouvelle d'iceluy, Autrement si on avoit quelque juste soupçon soit par nouvelles ou autres indices que ledit mari fust detenu prisonnier, ou qu'il fust empesché par quelque autre inconvenient, que sadite semme demeure comme en estat de viduité.

CLI.

Si un homme soit par débauche ou par quelque autre mauvaise affection, abandonne le lieu

de sa residence, & sans que sa semme luy en ait donné occasion, ou qu'elle en soit coulpable, au moins qu'il en apparoisse, & que cela soit deuëment cogneu par le tesmoignage de voisins & familiers, & que la femme s'en vint plaindre demandant provision, le Consistoire admonestera ladite femme d'en faire diligente inquisition pour savoir qu'il est devenu: & sera appelé des plus prochains parens ou amis s'il en a, pour en avoir nouvelles par eux. Cependant, que la femme attende jusques au bout de trois ans, si elle ne pouvoit sçavoir où il est, se recommandant à Dieu. Le terme passé elle pourra venir au Consistoire, & si on cognoit quelle ait besoin de se marier, aprés l'avoir exhortée, qu'on la renvoye au Conseil pour l'adjurer par serment si elle ne sçait pas ou son dict mari se seroit retiré: & que le mesme se fasse aux plus prochains parens ou amis de luy. Aprés cela qu'on procede aux proclamations comme dict a esté pour donner liberté à la semme de se marier, si suy ne comparoit nullement. Et luy en outre pour sa faute soit banni à perpetuité. S'il comparoist, qu'on les reconcilie en bon accord en la crainte de Dieu.

CLII.

Si une femme se depart d'avec son mari, & s'en va en un autre lieu, & le mari vient demander d'estre separe d'elle, & mis en liberté de se marier, qu'on regarde si elle est en lieu dont on la puisse évoquer, ou pour le moins luy

notifier qu'elle ait à comparoistre, pour respondre à la demande de son mari, & qu'on aide le mari de lettres & autres adresses pour ce faire, Si elle ne comparoist point, qu'on use des proclamations comme dit a esté ayant préalablement appelé les plus prochains parens ou amis d'icelle, pour les admonester de la faire venir s'ils peuvent. Si elle comparoist dedans le terme des proclamations, & que son mari resuse de la recevoir pour la suspicion qu'il a que elle se soit mal gouvernée de son corps (pource que c'est une chose trop scandaleuse à une semme, d'abandonner ainsi son mari) qu'on tache de les reduire en bonne union, exhortant le mari de luy pardonner, autre faute plus expresse non apparente. Toutessois s'il perseveroit à faire instance de cela, qu'on s'enquiere diligemment du lieu où elle s'est retirée, quelles gens elle a hanté, & comment elle s'est gouvernée. Et si on ne trouve point d'indices ou argumens certains pour la convaincre d'avoir faussé la loyauté de mariage, que le mari soit contraint de se reconcilier avec elle. Que si on la trouve chargée par presomption fort vehemente d'avoir commis adultere, comme de s'estre retirée en mauvaise compagnie, & suspecte, ou bien n'avoir mené honneste conversation & digne d'une femme de bien, que le mari foit ouï en sa demande, & qu'on luy ottroye ce que raison portera. Si la femme aprés les proclamations ne comparoist point, qu'on mette en liberté le mari,

CLIII.

Si quelcun faisoit mestier d'abandonner sa semme pour vaguer par païs, que la seconde sois il soit chastié par prison au pain & à l'eau : & qu'on lui denonce avec commination qu'il n'ait plus à faire le semblable. S'il y retourne pour la troisieme sois, qu'on use de plus grande rigueur envers luy. Et s'il n'y avoit nul amendement, quand la semme s'en viendra plaindre, qu'on luy donne provision, afin qu'elle ne soit plus liée à un tel homme qui ne lui tient ne soy ne compagnie.

CLIV.

Si un homme aprés que sa femme l'aura abandonné n'en fait nulle plainte, mais s'en taist, ou que la semme aussi delaissée de son mari dissimule sans en dire mot, & cela vient en connoissance, qu'on appelle en Consistoire la partie delaissée pour sçavoir comment cela va, & ce afin d'obvier à tous scandales: pource qu'il y pourroit avoir collusion laquelle ne seroit point à tolerer, ou beaucoup pis: & que la chose estant cogneuë, on y pourvoye selon les moyens que on aura, tellement qu'il ne se fasse point de Divorces volontaires, c'est à dire, au plaisir des parties, sans authorité de Justice.

CLV.

Si un homme veut changer d'habitation, ou bien mesme qu'il soit contraint par necessité, ayant obtenu congé de la Seigneurie, que sa femme femme soit contrainte de le suivre, moyennant que ce ne soit point un desbauché qui la meine à l'esgarée & en païs incognu, mais que ce soit en païs où la parole de Dieu soit preschée librement où il prétende saire sa residence, & en lieu honneste, pour y vivre en homme de bien & y tenir bon mesnage.

もいか もつからい てきんいかものいかものでもんできるこぞものいかものでもらいを

TITRE IV.

S'ensuit le quatrième ordre du Gouvernement Ecclesiastique, asçavoir, des Diacres.

CLVI.

IL y a toujours eu deux especes de Diacres en l'Eglise ancienne. Car les uns ont esté députez pour recevoir, conserver, & dispenser les biens des pauvres, tant aumones quotidiennes, que possessions, rentes, & pensions: les autres ont esté deputez pour penser & soigner les malades, & administrer la nourriture des pauvres. A quoy c'est bien raison que toutes villes Chrestiennes se conforment, comme nous y avons aussi tasché, & voulons encor continuer à l'advenir. Car pour cest effect nous avons Procureurs & Hospitaliers.

CLVII.

L'election des Procureurs, & des Hospitaliers se sera comme des Anciens, excepté la presentation au peuple: & en les essissant, que on suyve la reigle que Saint Paul baille des Diacres, en la premiere à Timothée chapitre troisième.

CLVIII.

Que le nombre des quatre Procureurs demeure comme il a esté: & quant à leur charge & autorité, nous confermons les articles qui par nous leur ont desia esté ordonnez, moyennant qu'en choses urgentes & où il y auroit grand danger de differer, principalement quand il n'y a pas grand difficulté, & qu'il n'est pas question de grands despens, que les quatre Procureurs ne soyent pas tousiours contraints de s'assembler: mais qu'un ou deux puissent ordonner en l'absence des autres ce qui sera de raison.

CLIX.

Semblablement pour éviter confusion, faudra que l'un desdits Procureurs ait la charge de recevoir les deniers de l'hospital, tant afin que les provisions soyent faites mieux en temps, qu'aussi afin que ceux qui voudront saire quelque charité aux pauvres, soyent plus certains que le bien ne s'employe autrement qu'à leur intention. Et si le revenu ne suffisoit, ou bien qu'il y survint necessité extraordinaire, il saudra en advertir la Seigneurie, afin qu'elle avise d'y pourvoir selon l'indigence qu'on y verra.

CLX.

Il sera requis de veiller diligemment que l'hospital commun soit bien entretenu, & que

I

ce soit tant pour les malades que pour les vieilles gens qui ne peuvent travailler, semmes vesves, ensans orphelins, & autres pauvres. Et toutessois qu'on tienne les malades en un corps de logis à part, & separé des autres.

CLXI.

Item que le soin des pauvres qui sont dispersez par la ville soit pour leur afsister par leurs mesnages, selon que les Procureurs en ordonneront.

CLXII.

Item qu'outre le recueil & affistance qu'on fait aux passans comme il est besoing d'y continuer, il y ait quelque hospitalité a part pour ceux qu'on verra estre dignes de charité speciale, & pour ce faire qu'il y ait une chambre députée pour recevoir ceux qui seront adressez des Procureurs, & qu'elle soit reservée à cet usage.

CLXIII.

Que pour empescher la mendicité laquelle est contraire à tout bon ordre & police, on y tienne la main par tous les meilleurs moyens qu'il appartiendra.

CLXIV.

Il faudra aussi que tant pour les pauvres de l'hospital que pour ceux qui sont par la ville qui n'ont pas dequoy s'aider, il y ait un Medecin & un Chirurgien propre pour avoir soing de l'hospital, & visiter les pauvres.

CLXV.

Et pource qu'en l'hopital commun sont retirez non seulement vieilles gens ou malades, mais aussi jeunes enfans à cause de leur pauvreté, nous avons ordonné qu'il y ait ordinairement aussi un Maistre, lequel sera choisi par la compagnie des Ministres pour estre presenté au Conseil: duquel la charge soit de veiller particulierement sur les enfans, les instruisant en la crainte de Dieu, & en toutes bonnes mœurs: & aussi les faisant aller au College, & repeter leur leçon. Et cependant aussi qu'il ait la charge de veiller sur tous les domestiques de l'hospital, pour les catechizer, advertir, consoler & remonstrer en temps & lieu: afin que Dieu soit là honoré & servi comme en sa maison.

CLXVI.

Que les Ministres & Anciens avec l'un des Syndiques ayent de leur part soin de s'enquerir si en ladicte administration & gouvernement de l'hospital y a faute ou indigence quelconque, afin de prier & admonester la Seigneurie d'y mettre ordre. Et que pour ce faire tous les trois mois, quelqu'un de leur compagnie avec ledit Syndique facent visitation à l'hospital, pour voir si tout y est bien reiglé: nommément que cela soit en recommandation que les samilles des Hospitaliers soyent honnestement reiglées, & selon Dieu: veu qu'ils ont en gouvernement la maison dediée à Dieu.

CLXVII.

CLXVII.

Quant à l'hospital pour les pestiserés, qu'il ait tout son cas a part, & principalement s'il avient que la ville soit visitée par telle verge de Dieu.

CLXVIII.

Et afin que cet ordre & police soyent tant mieux observées & entretenues, avons ordonné que la publication & lecture en sera faite de cinq en cinq ans, au Conseil General, qui sera à ces sins assemblé au premier Dimanche du mois de Juin: sans qu'il soit permis ni loisible à personne quelconque d'y contrevenir soit en y adjoustant ou diminuant, sinon qu'il ait esté au prealable proposé & conclu par le Petit, Grand & General Conseil de ceste Cité, suivant l'ordre de nos autres Edicts.

FIN.



INDICE

DES

ORDONNANCES ECCLESIASTIQUES.

TITRE I.

Du premier Ordre du Gouvernement Ecclesiastique, asçavoir, des Pasteurs.

e contrate the transfer of the second	
CHAP.I. DE la Vocation des Pasteurs. Pas	3. 3
CHAP. II. Des moyens pour entretenir le M	ini-
stere en sa pureté.	8
CHAP. III. Ordre sur la Visitation des Mini	tres
& Paroisses dépendantes de Geneve.	12
CHAP. IV. Des Sacremens.	15
CHAP. V. Des Chants Ecclesiastiques.	18
CHAP. VI. Des Catechismes.	18
CHAP. VII. Des Interrogations qui se font der	ant
Pasques.	20
CHAP. VIII. De la Visitation des Malades.	21
CHAP. IX. De la Visitation des Prisonniers.	22
CHAP. X. De la Sepulture.	23
TIT	AND STREET

TITRE II.

Du second Ordre du Gouvernement Ecclesiastique,
assavoir, des Docteurs. 24
TITRE III.
Du troisième Ordre du Gouvernement Ecclesiasti-
que, asçavoir, des Anciens.
CHAP. I. Comment les Anciens doivent estre in-
troduits en leur Charge. 25
troduits en leur Charge. 25 CHAP. II. Du Consistoire. 28
CHAP. III. Des Mariages & premierement des
personnes qui se peuvent marier. 35
CHAP. IV. Des degrez de Consanguinité qui em-
peschent le Mariage.
CHAP. V. Des degrez d'Affinité qui empeschent le
Mariage. 40
CHAP. VI. Des promesses de Mariage & de l'ac-
complissement d'icelles. 41
CHAP. VII. Des differens survenans és promesses
CHAP. VII. Des differens survenans és promesses de Mariage. 45
CHAP. VIII. Pour quelles causes un Mariage peut
estre declaré nul. 48
CHAP. IX. Pour quelles causes un Mariage peut
estre rescindé.
CHAP. X. Des differens és Mariages. 50
CHAP. XI. Provision en cas de Desertion pour la
partie interessée.
TITRE IV.

Du quatrieme Ordre du Gouvernement Ecclesiastique, asçavoir, des Diacres. 56 F I N.

